

profitetur, mendaces sibi æque odiosos atque ipsas inferorum portas. Hoc ingenio quum natus sim, tamen hoc contra fato natus videor, ut per omnem vitam mihi cum mendacibus & impostoribus fuerit res. *Jo.* At nondum video scopum, quo totus hic sermo confertur. *Ep.* Expediam paucis. Sunt qui felicitatem petant à magicis artibus, sunt qui ab astris: ego nullam certiore ad felicitatem viam arbitrari inveniri posse, quam si quisque abstineat ab eo vitæ genere, à quo naturæ sensu tacito abhorret; ad id se conferat, quo propensus est: semper excludo turpia. Item ab eorum consuetudine se subducatur, cum quorum geniis sentit suo genio non convenire; & his se copulet, ad quos arcano naturæ fertur affectu. *Jo.* Id si fiat inter paucos erit amicitia. *Ep.* Christiana caritas se dilatat ad universos, familiaritas autem cum paucis habenda est. Et qui nullum quamvis malū lædit, gavisurus etiam si resipiscat, satis, opinor, Christiane diligit omnes.

Ὅς ἄλλοτε ποτὶ καὶ ἐνὶ φρεσὶν ἄλλο ἢ βέλτε.

*Non aliter flagrans odio est mihi janua Ditis,
Atque hi qui celant aliud quam lingua loquatur.*

* *Problema.*

CURIO, ALPHIUS.

C. **L**ubens ex te rerum plurimarum periculo discerem quiddam, si tibi non sit mo-

Problema] *Problema dictus est hic dialogus; quod quaestiones quaedam in eo proponuntur, quibus responsio mox subjungitur. Est enim problema quaestio proposita cum responsione. Et quamvis hoc vocabulum de naturalibus quaestionibus praecipue dicatur, tamen omni etiam dubitabili quaestioni commune est.*